

## POLISI NEWID CLWT A DAMWEINIAU CYLCH MEITHRIN Y FELINHELI

### Nod

Nod y Cylch Meithrin yw sicrhau nad yw plentyn yn cael ei wrthod os yw'n dal i ddefnyddio cewynnau/clytiau, ond yn hytrach gydweithio â'r rhieni/gofalwyr/gwarcheidwaid i hyfforddi plentyn i allu defnyddio'r tŷ bach bob tro.

### Hawliau Plant

Mae cefnogi plant gyda'u anghenion corfforol yn rhan o sicrhau fod y Cylch Meithrin yn parchu hawliau plant sydd yng Nghonfensiwn Cenhedloedd Unedig ar Hawliau Plant. Yn benodol:

- Erthygl 2: Mae'r Confensiwn yn gymwys i bob un, beth bynnag fo'i hil, crefydd, galluoedd, beth bynnag a feddylia neu a ddywed a pha fath bynnag o deulu y daw ohono.
- Erthygl 12: Mae gan blant yr hawl i ddweud eu barn ynghylch yr hyn a ddylai ddigwydd pan fo oedolion yn gwneud penderfyniadau sy'n effeithio arnyn nhw, ac i'w barn gael ei hystyried.
- Erthygl 16: Mae gan blant yr hawl i breifatrwydd. Dylai'r gyfraith eu cadw rhag ymosodiadau ar eu ffordd o fyw, eu henw da, eu teuluoedd a'u cartrefi.
- Erthygl 27: Mae gan blant yr hawl i safon bywyd sy'n ddigon da i ymateb i'w hanghenion corfforol a meddyliol. Dylai'r Llywodraeth helpu rhieni na allant fforddio i ddarparu hyn.

### Cod Ymarfer

Mae croeso i bob plentyn ddod i'r Cylch, ond os bydd y plentyn yn gwisgo clwt bydd gofyn i riant ddod i'w newid os bydd y plentyn yn baeddu. Os yw'r plentyn yn cael damwain baeddu yn ystod eu cyfnod yn y Cylch byddwn yn cysylltu â'u rhieni ddod i'w newid.